


坤

坤元亨。利牝馬之貞。君子有攸往。先迷後得。主利。西南得朋。東北喪朋。安貞吉。

彖曰。至哉坤元。萬物資生。乃順承天。坤厚載物。德合無疆。含弘光大。品物咸亨。牝馬地類。行地無疆。柔順利貞。君子攸行。先迷失道。後順得常。西南得朋。乃與類行。東北喪朋。乃終有慶。安貞之吉。應地無疆。

伏羲八卦方位圖



文王八卦方位圖



說卦傳第六章

乾天也。故稱乎父。坤地也。故稱乎母。

震一索而得男。故謂之長男。巽一索而得女。故謂之長女。

坎再索而得男。故謂之中男。離再索而得女。故謂之中女。

艮三索而得男。故謂之少男。兌三索而得女。故謂之少女。